

**ODLUKA O OSNIVANJU PREDSTAVNIŠTAVA STRANIH LICA U BOSNI I
HERCEGOVINI**
(«Službeni glasnik BiH» broj 15/03- Izvod)

Donošenjem Odluke o osnivanju predstavništava stranih lica na državnom nivou prestale su da važe entitetske odluke što je stvorilo pretpostavke da se ova problematika uredi na jedinstven način.

Odlukom o osnivanju i radu predstavništava stranih lica u Bosni i Hercegovini propisuju se uslovi za osnivanje i rad predstavništava stranih lica u BiH (« Službeni glasnik BiH» broj 15/03)

U skladu sa ovom odlukom Predstavništvo se osniva radi istraživanja tržišta, obavljanja propagandnih i informativnih poslova, i radi predstavljanja stranog pravnog lica.

Predstavništvo ne može zaključivati ugovore u ime osnivača izuzev predstavništva stranih avioprijevoznika koji mogu vršiti prodaju prijevoznih dokumenata u skladu sa međudržavnim ugovorima i međunarodnim konvencijama koje je zaključila ili kojim je pristupila Bosna i Hercegovina.

Registar predstavništva stranih lica u Bosni i Hercegovini se vodi u Ministarstvu vanjske trgovine i ekonomskih odnosa Bosne i Hercegovine.

Strano lice dužno je za upis u Registar podnijeti prijavu koja sadrži:

- naziv i sjedište osnivača
- sjedište predstavništva
- osnovne podatke o osobi odgovornoj za rad predstavništva

Uz prijavu za upis podnosi se:

- Odluka o osnivanju predstavništva i Odluka o imenovanju osobe odgovorne za rad predstavništva,
- program rada predstavništva u BiH,
- isprava o upisu strane osobe u registar koji se vodi u sjedištu registriranja firme ili druga isprava o osnivanju prema propisima zemlje u kojoj osnivač ima sjedište.

Ministarstvo vanjske trgovine i ekonomskih odnosa BiH je dužno da o prijavi za upis u Registar odluči u roku od 10 dana od dana podnošenja. Upisom u Registar predstavništvo stječe pravo rada u Bosni i Hercegovini, na osnovu rješenja koje donosi nadležno Ministarstvo. Ministarstvo je u obavezi dostavljati nadležnim ministarstvima entiteta i nadležnom organu Brčko Distrikta BiH sve podatke o upisu, promjeni i prestanku rada predstavništva.

Odlukom je definirano da će Ministarstvo vanjske trgovine i ekonomskih odnosa donijeti rješenje o brisanju predstavništava iz Registra ako:

- U svom radu ne primjeni propise Bosne i Hercegovine, entiteta, ili Brčko Distrikta Bosne i Hercegovine ili ne udovoljava uslovima propisnim Odlukom o osnivanju i radu predstavništava stranih osoba u BiH
- strana osoba prestane postojati u zemlji u kojoj ima sjedište, ili donese odluku o zatvaranju predstavništva.

- U roku od 60 dana nakon prijave o prestanku rada, osoba odgovorna za predstavništva ne imenuje novu osobu i o tome ne obavijesti Ministarstvo vanjske trgovine i ekonomskih odnosa Bosne i Hercegovine.

Ova odluka je objavljena u «Sl. glasniku BiH», a stupila je na snagu 13. juna 2003.godine.